



**Bosna i Hercegovina  
Parlamentarna skupština  
Bosne i Hercegovine  
Dom naroda**

Broj:02-011-363/01  
Sarajevo,22.06.2001.godine.

**Z A P I S N I K**  
**sa šeste sjednice Doma naroda Parlamentarne skupštine BiH, održane**  
**22.06.2001.godine. i 23.08.2001.godine.**

Sjednica je počela sa radom u 10:00 sati.

Sjednicu je sazvao i otvorio g.Ilija Šimić, predsjedavajući Doma naroda Parlamentarne skupštine BiH, i konstatovao da je prisutno 15 delegata.

Pored delegata Doma naroda sjednici su prisustvovali članovi Vijeća ministara BiH, predstavnici međunarodnih organizacija i javnog informisanja.

Predsjedavajući je predložio dnevni red koji je jednoglasno usvojen i konstatovao da je za šestu sjednicu usvojen sljedeći

**D N E V N I R E D :**

1. Izvještaj Komisije Doma naroda o usaglašavanju rezolucije o gospodarskoj i socijalnoj politici u Bosni i Hercegovini;
2. Prijedlog zakona o arhivskoj građi i Arhivu BiH-prvo čitanje;
3. Prijedlog izbornih zakona - drugo čitanje;
4. Odgovor na poslanička pitanja i inicijative;

**Ad.1. Izvještaj Komisije Doma naroda o usaglašavanju rezolucije o gospodarskoj i socijalnoj politici u Bosni i Hercegovini**

Predsjedavajući Doma naroda je konstatirao da je Rezolucija o gospodarskoj i socijalnoj politici u BiH usaglašena.Rasprave i glasanja nije bilo i Dom naroda je usvojio rezoluciju.

**Ad.2. Prijedlog zakona o arhivskoj građi i Arhivu BiH-prvo čitanje**

U raspravi o ovoj tački dnevnog reda učestvovali su u ime predlagača Šaban Zahirović iz Arhiva BiH, delegati u Domu naroda Nikola Špirić, Ibrahim Spahić, Ivo Divković i Šefik Džaferović. Predsjedavajući Doma naroda Ilija Šimić je dao na glasanje Prijedlog zakona u prvom čitanju i delegati Doma naroda su jednoglasno prihvatili Prijedlog zakona o arhivskoj građi i Arhivu BiH u prvom čitanju.Pošto nije bilo uloženi Amandmana na Prijedlog zakona predsjedavajući je otvorio raspravu o člancima tj. razmatranje zakona u drugom čitanju.U raspravi u drugom čitanju su učestvovali delegati Ivo Divković i Šefik Džaferović. Nakon rasprave predsjedavajući je dao na glasanje prijedlog zakona u drugom čitanju i delegati Doma naroda su ga jednoglasno prihvatili.

### **Ad.3. Prijedlog izbornih zakona - drugo čitanje**

Na početku rasprave o ovoj tački dnevnog reda u ime Kluba hrvatskih delegata delegat Ivo Divković je tražio pauzu od pola sata. Nakon pauze od pola sata delegat Ivo Divković je ispred Kluba hrvata izašao sa inicijativom da se prekine sjednica Doma naroda i rasprava te glasanje o izbornom zakonu BiH radi dodatnih konsultacija i potrbnog usaglašavanja kako bi se konačno usvojio Izborni zakon BiH. Nakon diskusije Ive Divkovića u raspravi su učestvovali i Nikola Špirić, Dragutin Ilić, Ibrahim Spahić, Momčilo Novaković, Sejfudin Tokić, Ilija Šimić, Šefik Džaferović, Munib Jusufović, Halid Genjac i ispred Vijeća ministara BiH ministar Krešimir Zubak. Predsjedavajući je dao na glasanje inicijativu delegata Kluba hrvatskog naroda u Domu naroda BiH. Sa 14 glasova za i jednim glasom protiv šesta sjednica Doma naroda Parlamentarne skupštine BiH je prekinuta.

Nastavak šeste sjednice Doma naroda je zakazan i počeo je 23.08.2001.godine sa početkom u 11:00 sati. Kolegij Doma naroda Parlamentarne skupštine BiH je predložio Domu naroda Parlamentarne skupštine BiH sljedeći zaključak na usvajanje: "Dom naroda Parlamentarne skupštine BiH povlači iz procedure prijedlog izbornih zakona BiH čiji su predlagači Vijeće ministara BiH i delegat u Domu naroda Parlamentarne skupštine BiH Nikola Špirić, a o kojima je vođena rasprava na 6. sjednici Doma naroda Parlamentarne skupštine BiH." U raspravi o predloženom zaključku učestvovali su delegati Halid Genjac, Šefik Džaferović, Nikola Špirić, Dragutin Ilić i Momčilo Novaković. Zatim je predsjedavajući Doma naroda pozvao delegate da se izjasne o predloženom zaključku. Sa trinaest glasova ZA i dva glasa PROTIV usvojen je prijedlog zaključka Kolegija Doma naroda.

### **Ad.4 Odgovori na delegatska pitanja i delegatske inicijative i pitanja**

Predsjedavajući Doma naroda Parlamentarne skupštine je upoznao Dom da je Nikola Špirić na svoja dva pitanja dobio odgovore. Delegat Ibrahim Spahić je postavio tri pitanja, prvo koje je upućeno Vijeću ministara BiH od koga se traži informacija i koje se odnosi na prvi, drugi i treći radni sto Pakta stabilnosti vezanih za Donatorsku konferenciju u Bukureštu 23. i 24. oktobra ove godine, drugo vezano za prijedlog komisije za vanjsku i trgovinsku politiku Doma naroda, da predloženi kandidati za diplomatsko konzularne poslove obavezno istupe pred komitetom za spoljnu politiku Doma naroda i Predstavničkog doma Parlamentarne skupštine BiH i treće pitanje je koje se odnosi na poziciju Doma naroda i izjave pojedinih članova Kolegija Doma naroda u javnosti u povodu različitih događanja.

Delegat Nikola Špirić je postavio pitanje, zašto se ne poštuje zaključak Doma naroda Parlamentarne skupštine BiH u vezi sa novim izvještajem koji je trebao biti podnešen u roku od 30 dana od dana usvajanja izvještaja Komisije za razmatranja statusa lica naturalizovanih poslije 06. Aprila 1992 godine, a do danas su prošla četiri mjeseca.

Sjednica je završila sa radom u 11:50 sati.

Neautorizirani transkript čini sastavni dio zapisnika.

*Sekretar*  
*Doma naroda*  
*Jadranko Tomić s.r.*

*Predsjedavajući*  
*Doma naroda*  
*mr. Ilija Šimić s.r.*